

壽昌縣志

5

5

卷八

人物下

壽昌縣志

人物志下

隱逸

旌義

寓賢

耆行

列女

方伎

隱逸

唐

翁洮字子平號青山五都航川人光啟元年登進士第授主客員外郎退居不仕建州刺史李頻上書薦其隱居求志禮宜徵用僖宗納其言遣使徵之命睦州守臣催促就道又別遣使往建州褒賜李頻以廣賢路之勸詔至洮作枯木詩答之竟不起天子亦不强之仍遣使賜以曲江魚焉洮裔孫應弼仕宋理宗朝位工部侍郎追封洮爲善慶靈

濟公

舊志

宋

李祥字延吉仁都一人淳祐中舉博學宏詞科補太學生時
史嵩之爲相奸權亂政士論呶然祥與黃愷伯輩伏闕上
書不報遂隱身韜晦絕意進取區所居曰潛齋終日吟咏
率多忠憤之詞著有潛齋詩集一卷及沒白雲許謙爲之
傳

李德興字裕進常樂人存仁仲子也天資明敏博覽經史贅
於上浦徐氏不幸失怙告於母稟辭岳父欲移柩回鄉安
葬徐公曰閩冠未息待削平送回未爲遲也我將爲汝擇

地權葬於此越數日遇一姓魯老人指得常樂硯山脚牛眠吉穴葬之築室墓側號曰白雲軒安奉神主遂於此隱迹讀書不求利祿舍側忽現出白金一穴告於母母曰天或憐汝孝敬以金賜之亦先君餘慶也德興遂取焉後家聲日振富埒陶朱

胡廷珪字勝玉十都外圖胡村人皇祐己丑科進士登甲後隱居自樂絕意進取築書樓三間於住居之東號曰雙松逍遙其中頗忘世事鄉宦傳崧之爲之記

元

諸葛輅字承殷號東山博學能詩隱居樂道讀書好禮言溫

而氣和學古而才贍由蘭江徙居邑之東山自號東山樵
隱爲諸葛氏遷壽之始祖邑尹張疇爲作東山樵隱序序

入藝文

見諸葛譜

李景顏仁都一李村人有氣骨善屬文尤長於詩自恨生於
胡元不圖顯宦愛村後大清巖之幽勝別構太清堂於其
坪修真養晦酌酒賦詩以天年終甘復爲之記記入藝文
李芝字廷瑞處士性好學工詩章雅有高趣築室幽谷匾額
雪梅植花引泉日與高人觴咏有瀟灑絕塵之想

李駐雲溪南人幼穎悟涉獵經史其父以蕭曹鉅公發軔刀
筆因屬駐雲爲邑掾駐雲勉就父命然天性素恬退不欲

羈縻於世一日喟然曰豢鹿頓纓志在豐草吾僕僕簿書
何爲哉遂棄爲農栽花蒔卉以終其身

明

葉紹恩號南陽新街人性好潛修去邑南二十里許得一澗
谷山山廻合朝暉夕陰氣象萬千莫可名狀築室數椽徜徉
其下以爲金丹修煉之所常有一老僧相與往還談道
不火食無饑色死即葬於此後衆僧因其處以爲寺名曰

雲霞繪像奉之以南陽先生稱焉

見葉譜

方鳳陽字際美性質凝厚治義經得先天之奧晚懷高尚築
舍於邑東之下硃環流曲檻品菊盟松飄飄然神仙中人

歲時伏臘時返城居丹顏鬚髮人愛而敬之壽九十餘時

稱耆逸

見方譜

洪棠字良愛號東山市心人少穎異補邑庠弟子遊餘姚王陽明先生門下得良知真詮所見益明所守益定歸隱東山之麓逍遙吟咏一切世味淡如也年踰九旬能作蠅頭小楷健步履如少年屢赴賓筵府縣次第給帛肉以養其老且備顧問焉一日遘微疾集子孫於庭坐而與語諭以南華守身之道語罷吟秋水芙蓉之句含笑而逝人以爲

尸解

鄭鏗字伯亮六都高橋人治春秋築書室曰潤色軒以文翰

自娛不求仕進洪武初徵赴吏部以疾辭歸後膺郡守薦

爲本邑訓導不踰年復辭去

舊志

胡琇胡村源人邑庠生時有賑邊例琇援例入南雍授順甯府經歷嘆曰古人不爲五斗米折腰吾家南山之南北山之北何所不適何必圖簿祿萬里外耶遂不赴依山築室

匾曰與造物遊植竹萬竿嘯傲自適

舊志

洪鼎字廷新鼎弟少攻舉子業未冠父歿事兄如父兄病鼎不安枕者數年遂絕意仕進築室號松山精舍讀書其中

年踰七十卒

舊志

翁化龍字卓如五都航川人洮二十四世孫性靜逸不樂榮

利隱居授徒欣欣自得人謂其有遠祖風

舊志

毛克恭字敬夫坊郭人沉潛好學過目不忘英年入邑庠旋

食餼成化六年以恩貢候選知縣隱居不仕晚年精修養

之學築室南山以求要道其讀書處遺址尙存

見毛譜

毛際鵬字兆飛號圖南鳳彩孫可法長子天性孝友讀書穎

悟不凡爲祖父所鍾愛早失恃事繼母如所生以恩貢截

取教習知縣因親老力辭不就日課諸弟讀書與朋儕遊

玩山水逍遙林下得隱居之樂享年七十五歲以微疾終

見毛譜

方鶴字鳴皋後街人由邑椽考授鳳陽虹鄉縣典史日擊民

疲視猶身瘁居官誓不擾民旋丁外艱歸服闋不復仕

惟吟風弄月以樂餘年

見方譜

李學顏字若愚仁都一李村人肆志山林一衿自足頗知音律尤長於詩警句云食甘藜藿寧知味腹有詩書不厭貧又云一念神明昭勸戒寸心天地鑒危微諸如此類不一而足製有孤鳳鳴臬操

方漢字俊臣後街人成化五年貢入太學授江西贛州府瑞金知縣天性孝友清慎愛民解組歸優游晚景隱居桂村別墅足跡不入公門

蔣溪號崑海東門人生而穎悟少遊郡庠作文多奇氣語見

言
品
東
示
人
隱
逸

至性諸名士甘拜下風生平事親孝與人忠昆弟極友愛
長幼內外無間言嘗曰文人無行不如無文富貴不培元
氣乃家庭不幸事也崇禎二年詔舉賢良方正當道頻徵
催促北上嘆曰壯而淪落晚而服官非吾志也矧三徑未
荒焉肯爲五斗米往返八千里哉遂徜徉家園以青山白
雲自娛晚景七旬外恩授儒官

見蔣譜

清

葉邦仕過塘源人禔躬端謹教子孫必以法度年九十餘兩

膺冠帶隱居自樂人咸以厚德稱之

舊志

蔣羽大字振飛東門人博極羣書性耽吟詠年六十即以家

事付諸子曰與二三知己觴詠花間飄然有塵外想會學
宮明倫堂就圯邑令曾華蓋選爲首事即旦夕舍學宮側
督工審料不數月而文廟明倫堂啟聖祠兩廡及鄉賢祠
重加修輯煥然一新又於邑東嶽廟鋪石裝金銘鍾鑄鼎
稱巨觀焉歲時具餼酒以享先人歡歌侑飲於側惜詩篇
多佚邑人方甸傳其佳句云有懷憑綠水無恙是青山又
云栽培嫩筍從容綠檢點繁花次第紅又云野人帶雪歸

樵晚舟子乘風罷釣遲猶想見山林自得之趣

見蔣譜

方灼字爾濬後街人邑庠生幼有至性敦孝弟訓子弟嚴而
有法衷懷坦易無城府闢地山隈映帶流泉顏曰天一居

宛然仙境一時名流雲集有孔北海之風尤喜汲引後進
一言之譽推爲定評人以水鏡先生比之乾隆二年恩賜

九品冠帶享年八十有四

見方譜

吳公美字茂葵邑庠生石屏區下吳人精於周易依山水結
廬自題其居曰知過軒園曰自如園雜蒔花卉徜徉其中
乾隆十二年知縣王兆曾以公要過其廬曰爲處士因區
其軒曰處士軒又曰竹苞松茂遺蹟今尙存

李林字成璧仁都一李村人幼習詩禮文墨素嫻長抱經綸
才堪命世因無由進取淪落白甘縣令許必可廉得其情
復由里鄰推舉擢爲典史以冀其爲後日進身之階比及

三年赴部考職授以巡司林念高人以無位爲榮辭不就
選灌園食力以終其身

李湘字楚卿仁都一李村人少負氣節落拓不羈學問淹博
入泮後頓改前習亦不應歲科試先富後貧晏如也晚年
家居課讀不尙時藝循循善誘遊其門者俱有化雨春風
之樂年七十餘而終

邵廷秧字曜經仁都二圖壺門邵人學優才大志氣軒昂年
二十七應鄉試不售遂絕意進取日夜苦吟專事著作著
有五言六韻詩稿三百十二首俊逸清新有曰共賞焉

費名蘭字德芳幼從方育英讀讀書警敏過目成誦擲管學

爲文理旨卽清澈不十年高掇芹香逢書院課輒列高等

酌酒賦詩外無他事以舌耕終其身

見費氏譜

翁錫苞字啓如西門人廩貢生性爽直入泮後即設帳授徒不與他事平生詩酒自娛有以筮仕相勤者輒一笑置之而獎掖後進惟恐不及年踰七秩以壽終

方懋字良弼坊都二後街人治詩經貢禮部廷試第一以修實錄功授六品秩會赴銓喟然曰榮顯非吾願親老矣何如杯水豆羹朝夕在側之爲愈乎遂拂衣歸承歡養志蒔花種竹文史自娛卒以是終

章瑞芝字秀三西門人能詩文不應試恒與諸文士唱和教

官李日曦贈以詩云地偏心遠絕喧譁城市蕭然隱士家
一逕藁鋪諸葛菜滿畦黃蔓邵平瓜禦冬旨蓄勤能獲學
圃經綸術總誇頻餉園蔬來問字感君風誼勝侯芭

劉用安六都勞村人輸財助公有旌義坊

翁滿清泉人恩賜冠帶

翁松清泉人奉例輸粟授冠帶

翁鑰清泉人邑庠廩生奉例冠帶

李良才溪南人捐孟府典膳銜

翁世厚清泉人捐王府典膳銜

劉宗瑞勞村人捐千戶銜

高士隱居山陰之山陰縣志卷八隱逸
高士隱居山陰之山陰縣志卷八隱逸
高士隱居山陰之山陰縣志卷八隱逸
高士隱居山陰之山陰縣志卷八隱逸
高士隱居山陰之山陰縣志卷八隱逸
高士隱居山陰之山陰縣志卷八隱逸
高士隱居山陰之山陰縣志卷八隱逸
高士隱居山陰之山陰縣志卷八隱逸
高士隱居山陰之山陰縣志卷八隱逸
高士隱居山陰之山陰縣志卷八隱逸

方懋字良弼坊鄉二傳街人治時...

實錄功授六品秩...

圖錄錄滿...

一毀葉...

官李日...